


Kanon Andr.

Gostomianus Soc. Jesu Coll. Inscriptio sepulchralis



Biblioteka Jagiellońska



stdr0002004

INSCRIPTIO SEPVLCHRALIS

In Funere Illustriss^{mi}. & Excellentiss^{mi}.

PRINCIPIS
D. GEORGII
OSSOLINSKI,
DVCIS IN OSSOLIN,

Comitis de Teczyn,

S. R. I. PRINCIPIS,

Supremi in Regno Poloniae

CANCELLARI,

Lublinensis, Lubaczouiensis, Bohustauiensis, Bro-
dnicensis, Rycensis, Derpensis, &c. &c.

GVERNATORIS.

Inter lugubres apparatus

Oculis & Animis

Legentium & Lugentium

PROPOSITA

A Gostomiano Societatis f. E. S. V. Collegio.

Sub Auspicijs Perillustri ac Magnifici Domini,

D. ADAMIGEORGII

DE OSSOLIN,

OSSOLINSKI,

Lublinensis CAPITANEI.

21.659^{l.}
III


CRACOVIAE,

In Officina Typographica Francisci Casarij, S. R. M. Typographi.

Mortis Decus publica Mæstitia. *Titus Livius.*
Res in exitu æstimantur, & cùm abeunt ex oculis
tunc videntur. *Fam. Strada Dec. 1.*

AD PERILLVSTREM AC MAGNIFICVM DOMINVM,
D. ADAMVM GEORGIVM
DE OSSOLIN OSSOLINSKI,
GVBERNATOREM Lublinensem.



 Ommunis Patrie comploratio, Tui, atq̃ adeò & nostri doloris argumentum est, Illustrissime Domine. Fatalis equidem necessitas, cùm & Regni annulum, Supremo Cancellario, & Gentilitiam Securim Patruo Tuo excussisset, omnium animos vno impetu concussit. Illustris quà genere, quà virtute ASCIA, ex oculatum monstrum illud adeò non prestrinxit; ut infamem etiam tot cladibus fallacem, nobili ferro cominans opponere ausa, Tanto demùm Principi, mortuale erexerit suggestum, simulque metam proposuerit, ad quam omnium affectus & dolores collimarent. Nobis equidem debita in Herdèm hunc imperavit obseruantia, ut ad communem luctum lugubri cum obsequio è vicinià accederemus. Ita nimirum, vel post fata, efficacem Maximi nuper Oratoris Suadam experti sumus, ut, cuius elogium orbis est, calamos quoq̃ nostros in cultum & memoriam sui animaret. OS certè illud & SOL Patrie OSSOLINIVS iure suo exigebat; ut illi quidem Tullius noster parentaret, à quo Civilis Eloquentie formam transumpserat, ab hoc verò vel post occasum lucem & splendorem mutuaretur. Ac utinam letioris argumenti liberalitas tenuitati nostrae consulisset! Nunc verò idem eloquentie leges, qui Sarmaciam confudit dolor: ita tamen, ut tumultuario operi, facilèm apud Te Perillustr: Dñe aditum persuaderet. Muti characteres PATRVVM TVVM loquuntur, cuius Nomen & cum parte Honoris, ad Te hereditario plane iure transierunt. Leges eum oculis, quem animo induisti; Magnúsq̃ Maximi Patrui Nepos, ita in preclarè facta immigrabis, ut imiteris. Nos Sepulchralem hanc Inscriptionem non tam prelo quàm Virtutibus Tanti Viri expressam, Tuo nomini & dolori deuouemus ac consecramus.

Illustrissimæ Celsitudini Tuæ

Deuinctissimum

Collegium Sandomiriense Societatis IESV.

DEO VIRTVTVM,
PRIMOGENITO MORTVORVM;

Nec non: Perenni Memorïæ

Sacrum fixumque

.Sta & persta Marmor.

GEORGIVS OSSOLINSKI,

D V X I N O S S O L I N, S. I. P R I N C E P S

Antiquæ Nobilitatis novos Titulos

Domi promeruit, foris atcepit.

A Pontificia altero, altero ab Imperatoria maiestate donatus

Vtroque à Virtute.

Felix in quo ornando summi terrarum Principes decertarent!

VRBANVS VII. FERDINANDVS III.

Duo Sacrorum Armorumq; Numina, geminos illi afflauere Honores.

Peregrinos caue dixeris:

Hereditariâ Dignitatum in domo

Vel aduentitij Honores nomen mutant & cultum.

Nulla Gloriæ possessio extranea est Virtuti.

A profapiæ vestustate cum frustra laudaueris

Cui generis antiquitate antiquior fuerit sua virtus.

Solum nascendi ordinem si excipias, maior suis Maioribus

Gloriâ, Opibus, Consilio, Eloquentiâ, rebus gestis.

Extraordinarius ad Principes Europæ Legatus

Extra fines Regni persæpè, nunquam vltra Decori limites processit.

Amor & Deliciæ Regnorum

Quò faciem non potuit, famam per ora hominum inuexit.

Angliâ, Italiâ, Germaniâ, Gallijs peragratis,

Amplitudinem Poloni nominis extendit intenditque.

Magnificentiâ supra alios non supra fortunam progressus

Pacatos triumphantis Romæ innouauit splendores.

In Urbem Urbium dominam plausu ciuium illatus,

Deuinctos Humanitate suâ animos in triumpho duxit.

Gentilitiæ illius A S C I Æ Fasces Romulus,

Numa Oleam, Cæsar Lauream, Consul submisit Secures.

Porro quantas haberet ad Suadendum vires,
 Forum Latij ipso confessum est stupore!
 Quum ad vicariam Numinis Potestatem, peroranti de genu
 Arrectis Quiritibus, aurita assurrexit Roma.
 Inprincipe Orbis & Urbis auditorio Polonum Cyneam audiri par erat.
 Eximius plane à personâ suâ Orator
 Quò plura in sese Tullij decora colligeret
 Orationis maiestatem oris dignitate amplificauit;
 Ad elegantiam eruditi moris natus factusque
 Aduersa orbi nostro præiudicia è iudicijs nationum expunxit;
 Studiorum primordia Pultouiano auspicatus in Collegio,
 Currentem vltro indolem, laudum calcaribus promouit,
 Cauens vnice: ne præpostero nomine & Numine
Nymphas inuocaret pro Musis.
 Tantâ iam inde suauitate Eloquij delibutus
 Vt (è Socratis mente) sacrificasse Gratijs Videri posset.
 Probatâ primùm SIGISMVND O III. indole,
 Inter Ephebos Regij cubiculi assertus
 Ad inania officiorum aucupia descendentes plerosq;
 E fastigio altæ mentis (citra supercilium) despexit.
 Idem in lubrico aulæ nusquam fallente vestigio, diu (quod mirere) stetit.
 Nihil per iram aut cupidinem solitus aggredi,
 Grauitati suæ opinionem, dictis fidem emeruit.
 Cùm omnia Aulici Myſteria, & numeros teneret;
 Inimicas Virtutibus libenter ignorauit artes.
 Secutus ad castra VLADISLAVM Principem.
 Sub experientissimis Militiæ Magistris,
 Armorum & gloriæ tirocinium posuit in Moschouia;
 Vbi immistus oppugnantium ardori & machinis,
 Ictum lapidis aduerso pectore excepit.

Dum Sedes
 Moschouitici
 Imperij oppu-
 gnaretur.

Documento :

Polonis æquè, ac Spartanis pro muro pectus esse.
 Et verò ad metas extremi discriminis propè accedens.
 Incertos Martis exitus certo obitu clausisset;
 Nisi, adiumento alibi, alibi ornamento futurum
 Fortuna Patriæ, Ciuium commodis reservasset,
 Expeditionem bellicam Legatio Anglica,
 Hanc (Curialis Ærarij præfecturâ aucto reduce)
 Florentina, Veneta, Imperialis consecuta,
 Romana, Omnes iure gloriæ anteiuit.
 Quondam ad regni Ordines honorariâ missione functus,
 Animis Procerum flexanimâ subactis facundiâ,
 Libera suffragia, Regiæ inclinabat Virtuti;

Thesaurarius
 curiæ regni
 creatur.

Tunc

ne potissimum SACRI IMPERII PRINCEPS, ^{Legat}
Cum in animos Imperium: Principatum in Honores exerceret; ^{Reip.}
Quorum illud copiosè loquenti Sapientiæ, Hunc meritorum Præcellentiæ debuit.
Memorabili in Ducalem Prussiam excursione,
Exploratâ Brandeburgici atque adstrictâ Fide,
Regiomonti, Regiæ Auctoritatis Vices obiens
Illius arbitria in imperijs, iussa in Oraculis,
Desideria in opere, Consilia posuit in euentis.
Ita ille Sceptri & Solij prælargus æstimator
Maiestatis nomen supra multorum consuetudinem
Cum pernôssset penitiùs, generosiùs tractauit.
Si Experientia poscitur, Versatissimus,
Si peritia iuris Patrij, Scientissimus;
Si negotia Dominantium paratissimus.
Ne quidem Valetudinis obiectu interualla cessandi quæsiuit!
Drusum diceres, lepidè dictitantem:
Sibi nec puero Vnquam, nec seni ferias obtigisse.

Ea propter

Nihil non eius meritis tribuendum rati Principes
(Cum multa in vnum congersissent auctaria)
Sua in eo beneficia haud quaquam expauere.
Nisi quòd & ipse è Modestiae præceptis
Nec vanè ostentabat Principi obsequium,
Nec occasiones præterijt obsequendi.
In Ratisbonensibus Comitijs, Legatorum faciliè princeps
Ab Imperij Septem-Viris VIR CONSILII conclamatus
A FERDINANDO sui nominis III.
(Eloquentiæ officia titulorum beneficijs reponente)
Inter Sacri Imperij Principes adlectus est,
Nec importunus accersendis nominibus nec impar oblati.
Eòdem (*vt solitaria non incedunt dignitates*)
Sandomiriensi Palatinatu ad se perlato
Quem absens non quæreret, quæsitus peregrè est ab Honore.
Mens & Lingua Principis vt esset, CANCELLARII ex munere accepit.
Quò loci, extemporalis vt plurimum Orator
Meditatas aliorum disceptationes vel æquauit vel Vicit.
In turbidis Comitiorum fluctibus
Malaciam sæpè attulit, sui vnico interuentu!
Diserta causarum iurgia vel ideò rescindens
Quòd nihil præter tempus rixæ lucrentur.
Spem & Metum, duo Consultantium detrimenta,
Procul habuit à Consilio BONÆ MENTIS.

Ad Vsum rerum quàm ad speciem attentior
Illicò infectum reddidit, quidquid fieri non oportuit,
Tuta ambiguus, Vtilia arduis anteponeus.

Semper consulere solitus quid in rem sit
Nunquam ad consilia casum admisit, ne facti poeniteret.
An responsa meliùs ex longinquo dentur:
Disputantibus Politicis, ille crebriùs è propinquo dedit.
Deliberandi capita proponentem audire, capi erat!
Difficillimas Reipub. controuersias, mirà facilitate expediens
Ne suo Agamemnon careret Nestore, seipsum prouidit.
Gratiarum Priuilegijs annulum tam scitè apprimebat
Vt Nobilem Libertatis gemmam non premeret.
Pupillorum quiritationibus ex facili acclinis
Nemini Vnquam dicendæ causæ potestatem ademit.
In cognitionum copia, fastidio inaccessus
Integritatem iudicij, nullâ corruptione passus diminui
Medius partium, amicâ mediij consistebat Virtute.

Veritati amicior quàm reo supplici
Armata Securì suâ Iustitiam intentabat:

Credo, ne alienis circumactus momentis, Liuianæ pateret Censuræ:
Apud quos gratia vim æqui habet, hominū non causarum toti sunt.

Illo administro atque Interprete,
Belliac Fœderum Sancita Iura,
Compositæ Seditiones, firmata Pax,
Leges Conditæ, Regum Connubia Procurata.

Arcanorum omnium conscius & transactor
Illud fidei, hoc industriæ suæ obtinuerat Priuilegio.
Pacis quàm belli artibus clariorem quòd videas
Imputa fatis Patriæ: Remedia Sapientiæ præ armorum eligentis.

Æquè acies in campo instruere
Ac Sententias ordinare in Curia, Virorum est.

Præterquam quòd Sallustij effato:
Admirabilius ingenij quàm Virium censu gloriam quæsisse.
Magnus vel ipsa hostium confessione CANCELLARIUS,
Ad Zborouiam, bellicæ tempestati solerter obsecundans,
(Velis in omnem partem ex tempore obliquatis)
Periclitantem, duos inter scopulos, nauem Patriæ
(Ductu Serenantis omnia IOANNIS CASIMIRI)
Remis Consiliorum impulit ad promontorium Bonæ Spei.
Tunc (si vnquam aliàs) Prudentiæ palmâ potitus
Infractâ barbarorum in manu laureâ

Tantum non hostilis Victoriæ Victor audiit,
Translato in rem, è sensu veterum testimonio:
Posse inermi Consilio armatam vim euerti aut auerti;
Aduersarijs eam ipsam admirantibus virtutem quam odissent.

Magnorum comitem inuidiam

Plerumque temperatâ morum comitate,

Interdum ipso Venerabilis Contemptu transmisit.
Parentibus (quia & Deo) deuinctissimus vel post fata,
Quò eos Amori suo superstites monstraret,
Excitatis dolenter Exequiarum PARENTALIBVS,

Matre ad augustius Monumentum translata,

Imitandam Pietatis metaphoram Posteris fecit!

Mox, in simili Virtutis allegoriâ persistens,

Maternis à Cineribus ad Sacros PII Martyris Cineres

Apparatissimâ deducendos pompâ progressus,

Piè succollantibus, Diuo Indigeti, Liberis,

Eum ditionis paternæ Sacrario illatum

Corpus S. Pij
M. Offolinum
intulit.

Suæ Suorumq; Clientelæ præfecit.

Nec propterea, quod Beatorum, Exuuias collegisset

Minus in Miseros hospitalis exstitit:

Quippe in Solatia Calamitatis alienæ

Opportunum suâ in Vrbe molitus Prytanæum est;

In quod, Vicatim conquisitos Egenorum cætus

(Nouam cælo deducturus Coloniam) introduxit,

Ac demum exceptos conuiuio, illatis à se epulis

Veste auroque donatos, reliquit inquilinos.

Vt qui iam Diuinæ libationi Mensas

CLEMENTOVIANA posuisset in Basilicâ

Idem ærumnosæ Mortalitati triclinia apponeret:

Non aliâ lauti luculentiq; hospitij mercede,

Quàm in ipsum rerum fontem fuisse Munificum!

Magnæ MATRIS Amores in morem sibi vt abirent

Longâ Salutandi precandique assuetudine peruenit.

Eius Sacram famem, pridianâ in se alens inediâ

Appensis è Votorum Conscientiâ donarijs

Veram Sarmatiæ propitiabat Fortunam;

Gnarus apprimè: Solum tutum honestumque esse

Ad ARAM PVBLICI PER FVGII receptum.

Illustribus alioqui prodigijs CLARVM MONTEM

Clariorem Auro argentoque reddidit suo:

Vbi & suæ fidei adhibens testes tabulas

MARIANÆ Beneficiæ testimonia comprobauit.

Virtutem ex Patre, Verumque laborem edoctus,

Dum operosa artificum fatigat ingenia,
Templum, peregrino structum opere locauit dotauitque; Climuntouiz.
Alibi prælo & Stylo: Suadæ, ac vultûs imaginem,
Hic nobili cælaturâ, marmoribus & pectoribus insculptam
Auitæ Religionis relinquens Ideam.

Postmodum, facturæ operæ literariæ pretium de suo,
Iuuentutis, bono publico, formandæ percupidus
Simul desideria in animum, simul manum in opus immisit;
Dum BIDGOSTIANI fundamenta Collegij
(Architectante ASCIA) à Domo DE I exorsus
Aspectabile magnorum Operum rudimentum instituit

Suæ & Nostræ iam Fortunæ Faber.

Illic positus, vnde elargiri multa posset
(Nouo Largitionis inuento) Sacras Mendicantium familias
Ad insignia sui muneris, nec rogantes, admisit.

Quando Sigilli maioris curam ad se duntaxat
Fructum ad alios quoque voluit pertinere.

*Ratus: nullum impendij genus calo fore acceptius,
Quàm quod DEO in suis Minimis egenti erogetur.*

Sic & Honores in alimentum Gloriæ

Et fortunas in supellectilem Egestatis Vertit.
Quid multa? Supra Mortalium conditionem fortunatus,

Raro continuatæ Felicitatis exemplo
Regnatricis Domûs occupata semel iudicia

Pari Potentiæ ac Fauoris exitu

Ad atatis propè flexum, indeflexo perduxit Vigore.

Fuerit alijs difficillimum, Mortem in Vita ordinare;

Noster hic: Constitutâ prius affectuum Repub.

Curas omnes ad vnâ Animæ contulit Oeconomiam,

Ipsâ Gloriæ Satietate, Aulæ frequentiam fastidiens,

Eam subinde Asceticâ Carmeli solitudine temperauit;
qui semper Patriæ & Ciuibus, interdum sibi vacaret in recessu:

Calculum cum regno & cælo ponere assuetus,

Dati, acceptique rationes, æternis expendit.

Per hebdomadæ Sacrationis lugubre Triduum

Intra diuini lateris prærupta quærendus

Quotannis, & ipse euauit ex oculis Domesticorum;

Non ante emerfurus è latebrâ commentantis mæstitiæ

Quàm triumphalem victoris Dei exaudisset Pæana.

hoc VLADISLAO IV. Confatalis videri poterat

Quòd Posteritati suæ ex se vno sufficienter prouisurus,

Pro Filio, Famam reliquerit victuram,

ceps S. Imperij, cum Regni Principe SIGISMUNDO

Pari factorum coniunctione, eâdem die demessus in Augusto

*Vsq̃ue ad Sab-
bathi S. latum
carnè delituit.*

Pro Filio, Famam reliquerit victuram.
Princeps S. Imperij, cum Regni Principe SIGISMUNDO
Pari factorum coniunctione, + eadem die demessus in Augusto est. † 9. Augusti.

In procinctu votiui Itineris,
Inter desideria SANCTIORIS ANNI
Pænè in PORTA AVREA interceptus,
Viæ ac Vitæ finem facturus Viator
In sinu Patriæ ægrè spirantis exspiravit.

Dum se ad
Claramontanum & Romanum iter comparat.

Anno Viuentis DEI Homini MDCL. V. Idus Augusti.

Ne tu Liur Posthume

Manes & Vmbram S. I. Principis infectare,
Expensum in Publicæ rei commoda spiritum

Collige potius, & Disce:

SEPVLCHRA PRINCIPVM SCHOLAM ESSE.

Perillustri ac Magnifice Domine,

Leges in hac veluti tabulâ dolorem nostrum, quem tamen ita in chartam effudimus, ut maior sese teneat intra pectus. Ita nempe communis hæc lugendi necessitas vniuersos peruasit, ut absq̃ sui decremento singulorum animos occuparit. Et sanè ruina præalti fastigij etiam Sandomirianas concussit Musas: Tullium præsertim, qui parentalem OSSOLINIO suo, iure debebat Eloquentiam, in quo vno qualem ipse votis duntaxat destinauerat Oratorem, approbavit. Quòd si: Tunc veris lacrymis defletur clades publica, vbi cum domestico funere, iuncta est, Vide Perillustr: Dñe an nō Tuopotissimūm dolori SEPVLCHRALEM hanc INSCRIPTIONEM inscribere debuerimus. Eius quippe Magnis Cineribus Iusta persoluimus, apud quem Tu in nomen & affectus Filij immigraueras. Heredem Te ille Virtutum suarum bono publico reliquit: quas cum in lugubri hac paginâ leges, earum recordatione magnos ad summa quæque spiritus accipies, simul & dolorem temperabis.



17



Ex. 26.

